

Бир тафаккур қилинг!!!

14:58 / 28.04.2017 3148

Бишрул Ҳофийнинг р.а.нинг синглиси Зубда ҳикоя қилади: «Бир куни кечаси Бишр кириб келди ва оёғининг бирини уйга киритиб иккинчисини эса уйнинг ташқарисида қолдирган ҳолда тонггача қолиб кетди. Тонг отгач мен унга: Нимани тафаккур қилиб қолдингиз?, дедим. У: «яхудий Бишр, насроний Бишр, мажусий Бишрни, ўзимни ва Бишр исмимни ўйлаб қолдим ва ўзимга ўзим: сендан нима яхшилик ўтибдики, Аллоҳ таоло уларнинг ичидан айнан сени ислом билан хослаб қўйди?, деб тафаккур қилдим ва буни Аллоҳнинг фазлидан деб билиб, мени ўзининг хос бандаларидан қилиб яратгани, менга Ўзининг дўстларининг либосини кийдириб қўйгани учун Унга ҳамд айтдим».

Биз ҳам тафаккур қилиб кўрайлик, Аллоҳ таоло миллионлаб инсонлар ичида айнан бизни нима афзаллигимиз сабабли мусулмон қилиб яратган, ўзгалардан нима ортиқлигимиз бор эди?. Бу ҳам Аллоҳнинг фазли эмасми?

Фиравнга берилгани каби бойлигу, подшоҳлик сизга берилмаган бўлса ҳам, Нуҳ алайҳиссаломнинг ўғли каби пайғамбарнинг фарзанди бўлмасангиз ҳам, Иброҳим алайҳиссаломнинг отаси каби пайғамбарнинг отаси бўлмасангиз ҳам, сиз кўп ҳамд айтинг, кўп шукр қилинг, чунки уларга насиб қилмаган, уларга раво кўрилмаган Аллоҳнинг ҳузурида ўта қадр-қийматга эга бўлган иймону-ҳидоят сизга раво кўрилибди, сизга тортиқ қилинибди, сизга насиб қилибди. Агар бизни ҳам (Аллоҳ Ўзи асраган бўлсин!!!) улар каби бойлигу подшоҳлик, олий насабли лекин иймонсиз ёки яҳудий, насроний ё даҳрий ё мушриклар каби иймондан бенсиб яратганида ҳолимиз не кечарди?. Аллоҳга ҳамдлар бўлсинки, бизни мусулмон қилиб яратди. Лекин кўпчилигимиз мусулмон кишига лозим бўлган ҳаётни кечирмаяпмиз. Исмимиз мусулмон, даъвоимиз мусулмон, аммо амалимиз, ҳаёт тарзимизга келсак???

Қудратуллоҳ Сидиқметов